

B. MARIAE VIRGINIS,

12

E L E G I A

NICOLAI PICINNI. J.C.

Luxerat assidue Pietas ; sed denique supplex
Sic est divinos ante locuta pedes :

Maxime Rex , iræ qui dedignatus honore ;
Sed pius , & clemens diceris esse Pater :

Quando erit , ut pectus mortalis gratia tangat ,
Et redimas populos altus ab hoste tuos ?

Nonne vides miseræ quot eant ad Tartara gentes ?
Utque pecus , cunctas una ruina trahit .—

Defecere fides , mandataque vestra : sed error
Perditus , & cæco regnat in orbe scelus .

Semper ovans tantæ sic prædæ Lucifer ibit ?
Tot caris spoliis semper onustus erit ?

An tibi jura prius promissa negare licebit ?
Acquisita mihi , non nova dona peto .

Nondum finierat , sed dicere plura volebat ,
Cum Deus acceptas excipit aure preces .

Ca-



Tu quoque cor nostrum, tu quoque noster amor.
Quid dubitas? quaecumque petis tibi, cara, dabuntur:
An tibi me forsán displicuisse juvat?
Scis mare, scis terras homini fecisse, marisque,
Et, Quas terrarum possidet orbis, opes.
Utque mihi lusus sit, deliciae que, paravi
Atria stelliferi pulchra habitanda poli.
Cur periisse sinam? primi si damna parentis
Progenies meruit, posteritasque sua,
Nostra ferat Proles, humanosque induet artus;
Scilicet humanis perfruitura malis.
Tempus adest, en Virgo parens sine labe, parentem
Qualem divini Numinis esse decet.
Omnis Adamitici licet haeres criminis esset,
Ipsa tamen nostro salva favore fuit.
Talia dicta loquens, paranympbum lumine clarum
Agmine de medio nobiliore vocat:
I, jubet, ad Jesse natam de stirpe puellam,
Et Patris Natum se peperisse sciat.
Illa mihi placuit, manuum factura mearum,
Et cedit meritis semina quaeque suis.

Di.

Latus ad officium se parat ire primum.

*Dat visum formam, puroque ex æthere fecit
Humanae similem, quæ juvenilis erat.*

*Cælesti vultum sed majestate decorat,
Et vult auratis crinibus esse caput.*

*Imposita est vestis varios imitata colores;
Quales picta suos Iris habere solet.*

*Ne tamen optatos gressus tardaret, euntis
Colligit in morem: brachia nudus erat.*

*Ceruleas humeris alas aptavit, & auro
Utraque consperso conspicienda nitet,*

*Gemmatique tegunt sibi candida crura coturni,
Et gerit in cælo lilia lecta manu.*

*Talis festinans, agilisque per aëra factus
Ad Nazarenos pervolat ille lares.*

*Tunc matutinas supplex Joachimia proles
Fundebat solito cernua more preces.*

*Lucidior sed sole micans reverentior ales
Ingreditur parvæ limina sacra domus.*

*Atque genu posito, ter te, pia Virgo, salutat,
Tres tibi sunt tituli, Filia, Sponsa, Parens.*

In-

*refert : adsum cælestis nuncius aulæ ;
Ad te me summus jussit adire Pater .*

*Mater eris Geniti , per quem salvabitur orbis ,
Tantis es donis ipsa repleta suis .*

*Hoc tibi sufficiat : festo ne longius isto
Sim tamen , ad cælos me rediisse juvat .*

*Quid merui (sic Virgo sibi) si quisque videtur
Vilis in aspectu , vilior ipsa suo .*

*Obsequar en jussis , sic nunc tua verba secundet
Prodigus omnipotens in mea dona Deus : .*

*Ipse tamen Domino tanti non muneris æquas
Redde , precor , grates , Portitor alme , meas*

*Ille petit superos : junctis ad sidera palmis
Factorem cumulat laudibus ipsa suum .*

F I N I S .